

西
堂
詩
集

西堂詩集總目

西堂剩稿二卷

西堂秋夢錄一卷

西堂小草一卷

論語詩一卷

右北平集一卷

看雲草堂集八卷

述祖詩一卷

于京集五卷

哀絃集二卷

擬明史樂府一卷

外國竹枝詞一卷

百末詞六卷

性理吟二卷

自序

予年十五始學爲詩不過俎豆之戲耳十八游庠獲交
湯子卿謀卿謀驚才絕艷援筆便成予亦步亦趨倡和
不暇每脫橐書寄日令小溪彳亍道中得一佳句互相
擊賞丹黃爛然當時以爲樂事自乙亥訖甲申十年之
間篇什遂多卿謀旣亡知音斷絕旋遭鼎革兵燹流離
東書奔竄棄置箚者久之不意蒲柳尚存風塵飄泊
南游北歷多名山大川間從賢士大夫談讌之次時有
感觸不廢嘯歌見者以爲老乃益工不知臣之質死久
矣回念故人宰木已拱獨有湘中草單行千古如僕云

云何異劒頭一呌哉閒居無聊偶檢故紙喪亂之後十
存二三因輯爲剩彙二卷辟諸遺簪墜屨不忍棄捐雖
嬰兒號嗷不復悔其少作也追憶平生恍如昨夢天寒
日暮歎息彌襟

康熙甲子陽月大雪日

西堂剩橐

卷上

長洲尤 侗誤

古樂府五十二首

升天行

挂我貂蟬冠解我翡翠裘願與黃石約請從赤松游白
雲自西來助以凌風舟思採返生香言往聚窟洲銀臺
謁金母問我平安不坐我青玉案覆我紅珠幃羞我一
寸甚酌我九霞醕萼綠爲我舞青琴爲我謳成璈顧我
笑招我瓊華樓石柱雲母函丹笈啓鴻疇長跼受道去
還車登羅浮遙望九點煙天風吹齊州東郭秦皇墓西

西堂集
陵漢帝丘蕭蕭松柏聲斯人不可求英雄尚如此何況
狐鼠儔

悲哉行

小雀啄場粟飛飛製歡聲老鶴端然飢大鳴似不平驚
鳥在旁笑此君盜虛名悲哉逢掖子帶索而躬耕家無
擔石儲空抱千金情鼓琴復鼓瑟不如吹竽笙終朝采
藜藿聞者誰言清出遇高車客煌煌來帝京上衣貂襜
褕下佩瓊瑤英其中未必有佳哉稱公卿天下方多事
若輩宜從橫吾何久居此學劍又不成山川道路難龍
蛇戒夜行

從軍行

東市買馬鞭西市買馬鞍飲馬長城窟走馬玉門關
外有天山登山一望見長安丈夫疋馬出門去當以馬
革裹尸還匈奴未滅何用思鄉淚潺湲少隨李將軍已
戰交河道長隸霍嫖姚守戍金城堡嫖姚旣貴將軍已
老我在帳下數十年朔風吹人白髮皓舊時征馬向我
號何不踏碎祁連草手挽金僕姑腰繫玉鹿盧彎弓破
月支鳴劍馳伊吾天子賜貂蟬美人進駝酥夜來無刁
斗角聲吹起小單于

苦熱行

我欲使蜚廉一叫驅八垓長風吹埽烈山之塵埃西走
崑崙東走嶽赤腳踏破層冰開祝融胡爲炎風野執衡
端坐收恢台佐之者誰維趙盾九烏蟲蟲歸來燭龍
抱薪紅爐煮金石燒作昆明灰川虹吸雲小魃舞空山
列缺搖乾雷火鴉之啼死聲苦白鳥啞喝爭喧厖恨無
仙人飛雪散夸父唇渴顏廸禮襪襪子客且休矣我思
羲皇上人葛天與無懷科頭挂桐帽跣足脫棕屨低騎
赤鯉下入龍母水晶窟仰招紫鳳飛上玉帝閭風臺班
姬爲搖齊紈扇玉環爲捧碧甯盃醉臥北窗聽唱麗娟
迴風曲蕭蕭落葉響庭槐

巫山高

巫山高高以奇湘水深深以漪我欲東歸白雲間之明月在天美人來遲日暮風吹松花枝青鬢十二挽參差步搖珊珊響江祠蘭衣淺捻紅胭脂山有堂兮水有梁春風夜半迎君王曉夢飛來杜若香碧絲斜弄高臺涼

戰城南

戰城南死城北青燐照荒原萬鬼奔走求其骨登高一望千里黃沙竟鬼不自諒隨朔風而歸家胡笳惻惻野草蕭蕭鷄聲剪夢青天高鬼馬伏地不敢號歌出塞歌入塞血爲營屍爲隊求爲戰士安可再求爲大將大將

良足求朝飲羊羔酒暮賜狐狸裘

艾如張

艾而張羅山之宮東招炎洲翠西媒梁州鴻黃雀來自
空城哺子求粟課爾入其中遙聞山外雌呼其雄舉手
謝我雌雀主人情薄微軀將以供大嚼吁嗟乎黃雀有
羽翰何況人生行路難

行路難

四首

公無出門門外有孟門公無渡河河內有黃河孟門多
荆棘黃河之水揚其波蹲者虎豹吟者龍羅虞人漁父
聚而張羅公平去奈何舜死蒼梧野禹葬會稽山古來

帝王尚如此況今之人憂愁風雨間其間不如歸去努力加餐舉盃一歌行路難朝游秦暮游蜀出車歡笑迴車哭

昔日虎頭兒今日鷄皮翁朱樓美人桃李姿秋風吹落青陵中丈夫立功苦不早烏頭烏變白頭烏吾方好武國好文君今愛少臣已老東家菖蒲能作花西家兔絲長爲草貴賤良有時意氣空浩浩君不見王掾當作黑頭公子雲旣死稱終童

南鄰擊鐘磬北里吹笙笙我獨家徒四壁立車騎雍容自彈琴武帝能讀子虛賦文君解歌白頭吟犬子一朝

逢狗監凌雲之氣空公卿王孫進獻臨邛酒阿嬌私贈
長門金吁嗟世間才子不獨茂陵客江南何處無佳人
作賦十年不一遇鸛鵲裴老秋風淡

馮驩不去孟嘗君灌夫獨厚魏其侯劉巴恥與兵子語
禰衡豈從屠酤游英雄結交各有意安能東西南北隨
波流犬吠驢鳴不如對一片石鳥集獸散不如臥百尺
樓大兒孔融小兒楊修餘子碌碌非我同儔何況人心
險酒食生戈矛君看張耳陳餘傳刎頸之交成仇讐

隴頭吟

隴水搖風怒折膠玄黃代馬銜沙號昔日健兒戰場血

今日飛灰撲面飄胡笳一聲嘯雷雨玉關千人撻鼙鼓
此時將軍飲帳中新得美人試楚舞

勸君盃

綠罇翠杓陳華堂紅燈洞照珊瑚光玉人環珮翩哉鏘
疏絃采采叫鳳皇春風方來吹衣裳四座稱觴夜未央
夜未央聞薌澤勸君盃飲一石

三婦艷

大婦剪春羅中婦剪秋紗小婦下階來手撚夜合花郎
君不用問儂年正破瓜

烏棲曲 二首

楊柳枝頭烏夜啼
玉鈎倒挂羅帳低
倡家少婦抱郎宿
泥人嬌唱朝雲曲

繡幃交翠被
交紅誰同可憐歡
與儂蕩子今年遠
作客相思一夜烏頭白

陽春曲

春風掃地柳絲飛
阿嬌初着縷金衣
迴塘窈窕穿花歸
穿花歸闌草戲傍粧臺嬌夫婿

游女曲

二八天斜娥媚娘
晚乘油壁出橫塘
踏青采綠逢蕭郎
逢蕭郎贈芍藥
再來時向郎索

採蓮曲

沙棠爲舟絲作索若耶女兒採蓮樂香風淡淡羅衫薄
羅衫薄早歸家待明朝出浣紗

當鑪曲

胡姬十五羞數錢艷色他人道可憐春風偷看阮郎眠
阮郎眠君莫如攜千金買一顧

東飛伯勞歌 二首

東飛蛺蝶西飛蜂柳枝慘綠桃華紅誰家女兒東鄰住
兩眉爲雲目爲雨含喜微笑劇可憐艷艷花心將欲然
自矜年小十五六得堦風流如宋玉我家繡帳芙蓉鈎

誘之千端不肯留

東飛行雨西飛雲楚王夜夢逢湘君
小家有女名碧玉櫻桃爲身蓮作足
淡黃裙子絳羅襦慣乘蘭香青鈿車
自知明明年年二八背人學打同心
結可憐未嫁汝南土倒來調笑羽林
郎

白紵舞歌

華燈四照珠簾空黃門鼓吹聲三通
花神垂手出深宮碧衫翠帽飄蒙茸
湘裙一轉搖香風秋光滿地落芙蓉
歌珠掩抑隨腰弓滿堂流盼送飛鴻
翩然而止芳顏紅排成萬歲字當中

折楊柳歌

折楊柳莫折楊柳枝君作楊柳絮妾作楊柳絲絲絲無
斷絕絮向天涯飛不歸

子夜春歌

三首

春日理紅粧春風開素裳春月橫無賴來照牀上郎
攜手大隄上大隄女如玉與郎說分明不得通眉目
何用踏青去往來車馬中與郎臥繡帳何處無春風

子夜夏歌

三首

妾坐北窗下郎行南窗前妾身非冰山莫倒懷中眠
招郎采蓮去宛在水中洲郎自采蓮花妾自采蓮子

西堂集
歡正酒醒時夜半花陰裏窗外月窺人小簟涼於水

子夜秋歌

三首

妾有合歡牀歡行無十步却笑天上郎辛苦何邊渡
妾在機中織歡在帳中憶道郎且安臥纏綿自成匹
逢歡在何許藕塘東復東要郎知曲意彈指向梧桐

子夜冬歌

三首

昨夜北風涼郎入儂懷顫笑郎莫苦寒妾有溫泉煖
空庭多積雪繡幄自生雲殘燈未可滅儂欲解羅裙
博山薄不陳以妾爲煖手沉水薄不薰香在儂懷取

十索詩

十首

妾有桃花箋佐以松心墨欲題流葉詩寫作簪花式不用画眉管從郎索彩筆

舊製鴛鴦被新裁翡翠裳登牀待荀令入袖許韓郎有意傳心字從郎索異香

簡點十眉圖張郎画若何城中皆半額妾意愛雙蛾欲倣崆峒樣從郎索黛螺

朝來鸚鵡語言君到若耶采蓮過南浦折柳向東家當妾晚粧罷從郎索艷花

玉鏡梳曉鬟小寒侵素手輕攜梨花盃笑問櫻桃口不解自當鱸從郎索美酒

陌上彈羅敷樓中吹弄玉爲嫌桃葉濫頗厭柳枝熟欲
得周郎顧從郎索新曲

一捻楊柳腰六幅瀟湘画爲君舞霓裳仙裙隨風解欲
綰同心結從郎索羅帶

六曲錦屏圍五蘊香湯浴偷卸石榴裙微露金蓮足欲
照小花身從郎索銀燭

繡帳掩芙蓉繡枕遲鸞鳳君賦巫山高妾唱江南弄兩
意欲爲雲從郎索春夢

碧玉破瓜時綠珠定情夜守宮宛轉殘窮袴殷勤卸看
成一點紅從郎索錦帕

六憶詩 六首

憶起時單施薄薄羅
枕線紅生肉
眉尖綠褪螺
鏡臺無意整花底教鸚哥

憶坐時小閣傍檀郎
繡剩鴛鴦譜
書殘翡翠牀
欲到鞦韆架沉吟倦晚粧

憶立時半倚玉欄杆
曉日移鸞扇
春風動雀鬟
徘徊還未穩剗襪下階端

憶吟時彤管抹胭脂
曲曲夫人字
昵昵幼婦辭
欲與郎斟酌微慚出手遲

憶醉時淺斟金叵羅
桃花然兩靨
柳葉暈雙蛾
倒撥琵琶

四
琴索嬌唱懊儂歌

憶睡時含情喚侍兒
偷剪紅心燭低垂
碧裏幃玉釵猶未卸
郎欲解羅衣

五言古風九首

老農

披衣過東郊倚杖問秋穀
荒草滿溝涂老農相對哭
二月響春雷三月霖春霖
四月荷鋤來小雨如珠玉
五月早既甚蘊隆至三伏
萬里曠無雲赤日燒茅屋
青苗玄以黃滄海變爲陸
我耕數畝田三年無私蓄
朝憐婦子啼暮畏吏人促
今年又苦飢且恐速我獄
爲我與天言

何故欺焚獨徒空野人家豈減縣官粟吾謂若毋聲何
不食糜肉公卿不撫脾有司不蒿目一夫田幾何嗷嗷
愁容蹙秦楚多大兵盜賊空城宿白骨半丘墟何處問
重糶餓死事極小安宅心亦足誰將雲漢詩補入流民
牘歎息歸來臥清風起疎竹

殺蝗

上帝烹江南祝融炙紅爐雲君東高閣雨工錮重湖澤
竭星光白山焦雷聲枯田家日作苦中夜起嗚呼却走
告縣令縣令驚奔趨豈惜野老命所重尚方租沉牲拜
河伯舞雩呼師巫紛拏動天關逶迤回龍車大風捲茅

屋急霖注溝渠老農簑笠歸沽酒勞妻孥欣予陋巷子
仰天歌吳歛適逢田舍翁號泣擁路隅戟手問何操蠕
蠕滿衣裾螟螣及蝨賊此物載詩書其日雨方止羣飛
蔽天衢獨食黍與稌不食蒿與蒲但聞唼喋聲一望田
如無貓虎不敢問金鼓焉能驅努力誓搏擊婦子爭舉
鋤渠魁幸剪滅遺類猶睢盱頃聞上官言天災人難除
縱捕戾和氣下令戒無誅坐視其蠶食南畝將爲墟我
乃勃然起所見何區區小蟲亦苦飢小民亦苦癯蟲活
亦爾德民死亦爾辜執蝗怒責之旣毒又何愚東家富
廩庾廚中炊雕胡西家貴珠玉席上陳芳精舍此不染

指貧家恣侵漁貧家幾畝田代人勤耕畚萁餬八口
嘉禾供轉輸一朝飽汝腹公私兩負逋凍餒苦不足敲
扑傷肌膚亡者委丘壑去者流道途凡汝所過處殘甚
于城屠汝貪倍碩鼠汝兒等封狐數其十大罪殺之不
爲誣畀火可以焚投水可以濡利口是當割奸腸是當
剗勒爲害農刑且以儆其餘田夫見踊躍喟然還村廬
天子倘采風咨嗟飛蝗圖使君獨不見武陵化爲魚

有以佛手柑贈者小詩報之用手字韻

我聞觀世音八萬四千手寶炬赤珊瑚孟水青楊柳白
羽朱藤杖一一列左右及其歸海南飄然空諸有散此

母陀羅施與衆生受結實何纍纍金印大如斗妙香自
空來頓清藜藿口我本鷄肋人一食惟三韭見之疑天
花珍之若鬼白獻之世尊前膜拜再稽首佛言賜汝食
子公指動舌餐之洗我心何必咸其拇正等在示掌欲
火同掣肘捧持嘗拳拳解脫無明桎勿等爲佛牙執斧
而輕剖

暮懷寄卿謀

晚雲何自橫獨照悲秋客倒景入林深煙飛夜光白明
月當天來驚起空梁色搔首步荒庭暮影蕭然隻美人
西一方呼之不能出我欲化明月飛到南樓側恐君高

枕眠未敢穿窗入惟有草蟲聲助予三歎息木末寒芙蓉持贈長相憶鴻雁幾時來仰對西風立

古五君咏

楚宋玉

湘纍江上吟江流日夜哭何似夢行雲解賦陽臺曲至今東家子招之不停目有美自荆山所以名爲玉

漢司馬相如

天子好文章援筆賦上林天子好武功出車西南征歸來茂陵臥阿嬌貽黃金佳婦如芙蓉並坐調琴心

魏曹植

公子美遨遊春情託煙景胡舞鄴宮中烏髻照紅粉高
宴芙蓉池雜奏笙篳引夜夢洛川溪腸斷鴛鴦枕

唐李白

酒星不在天謫向人間住玉環斂繡巾笑領春風句采
石漾蘭舟足踏鼉龍去却入廣寒宮醉倒珊瑚樹

宋蘇軾

一口吐萬斛江河從之東逢塲但游戲笑罵起雷風琵琶
同綽板木魚與鼓鐘掀髯天地間萬物皆頑童

七言古風十二首

斬蛇劍

望夷宮中爭逐鹿，驪山道上白蛇伏。豐沛少年醉劉之，
袖出青蛇相奔觸。霜花怒落錦鱗飛，一夜風雷妖母哭。
徒中壯士却顧走，咄哉神物真希有。指秦百二血流城，
麾楚八千人白首。項王學劍又不成，如何不死赤帝手。
赤帝亡何亦已死，單父野鷄殺龍子。不聞三尺吼悲聲，
沉埋玉匣疑老矣。

鏡聽詞

拂拭盤龍祀竈主，舊時飛鵲依然舞。三囑紫珍宜有靈，
願聽歡聲莫聽苦。躊躇刻襪下階中，草影風聲面發紅。
玄夜模糊人語斷，惟聞啾唧叫寒蟲。寒蟲啾唧如歎息，

此讖不祥俛首泣歸來怒擲芙蓉囊不將再照紅粧色

放鴿篇

鴿來鴿來汝號爲飛奴何不掣鈴鳴天衢何不乘舶游
海隅緣臂不聽司徒經繫足不傳曲江書風雨蕭蕭形
影孤曰歸曰歸悲窮途忽然下我庭集我廬循牆而走
聲鳴鳴開戶視之入我室低頭顧盼不敢呼或驚賈生
鵬或疑葉令鳬或擬空城雀或方大背烏或猜江夏之
鸚鵡或指零陵之鷓鴣吉與凶與不可問急而來投宜
救諸棲以竹枝籠飼以玉菰腴飲之啄之毋踣踣我非
野弋與山虞羽獵少年方張弧危哉一命懸庖廚繞樹

三匝曷歸乎我有鵲巢宜鳩居中夜宛頸何欷歔或念
賢雄抑將雛豈謂主人終相拘觀君意氣思搖扶自當
縱之逍遙墟曉日瞳矐清風徐解綵颺向青冥趨鵠去
鵠去努力奮南圖慎保微軀刀俎餘幸而免耳戒前車
世人煮鶴矧區區一網打盡無賢愚行路難兮云何吁
物猶如此况人歟安得天下大開四面網東西南北任
馳驅

九日同諸子走虎溪

己卯

秋聲一鳴蕭然薄千巖萬壑愁如削僕本恨人不可聞
聞之搗出心頭惡叩友叩友何不來期期願與山靈約

山靈未嘗逐客去敗軍不必驚風鶴朝來爽氣欲侵人
解衣聊爾同盤礴西風吹亂數峰青草堂淅淅搖殘籜
樹上寒蟬砌下蛩鼓吹兩部清商樂上箬村前竹葉春
舉盃狂嘯謠三酌箕踞白眼看青天半鈎新照雲中落
此時飄乎氣欲仙蠅頭蝸角何能縛夢覓昔向芙蓉城
生涯今在鷓鴣杓掉頭不識鳳凰臺拍手那問麒麟閣
且勿去上北闕書不如來採南山藥我老是鄉醉如泥
何須歎息京華樂俯聽下士蒼蠅聲只供酒徒一大噓

春寒

雌風盲雨爭春國東皇徘徊不能入羯鼓催花花不聞

花覓愁抱枯枝泣荒煙擾擾繁空飛凍雲寒凝青川白
落霰斜織夜明簾獸爐吹斷龍涎色琉璃硯匣曉冰封
醍醐手怯巨羅執西樓美人睡起遲髻冷芙蓉盤不得

紀異

龍之年虎之月雷虺虺電燁燁雨淫淫風獵獵戕戕冰
漣漣雪天吞聲兮地失色日月退舍不敢發鳥獸蹙縮
大野中窮人凍死十之八遺老歎息相告語此非飢荒
卽兵殺蓋自西北亂東南竭邊人食我膏流人飲我血
吏怒民啼鷄犬驚十畝之間青草絕近聞大盜滿海濱
公然對面自行劫揭竿斬木千餘人魚腹狐鳴呼陳涉

此賊不知何日去鶴唳風聲心膽怯今觀災象更可危
哀我萬民亦難活天子愁公卿悅太史譁野人咽有淚
憂天墜無力補天缺安能使豐隆遜兮屏翳滅滕六散
兮吳二歌南人飽食北人臥金人十二銷兵甲

平李謫仙集爲酒家覆甕和卿謀韻二首

并東

讀來札听然而笑笑青蓮乾坤酒徒百年後龜兔猶
戀此狂奴故態也已慨然而歎歎青蓮以人間客吐
天上文不幸入賣菜傭手錦心繡口模糊破甕間既
思古人行自念也雖然青蓮云鐘鼎玉帛不足貴但
願長醉不願醒則老子坐臥其中酣適不淺何必貯

錦囊籠碧紗然後稱快耶又云古來賢達皆寂莫惟有醉者留其名則青蓮烏紗白苧之姿礫硠澄澈之槩不因盃中物以傳耶且以青蓮之才而當時天子宰相以衆人遇之況於千百世之下賣菜傭惡能塵埃中物色之耶張翰有言使我有身後名不如卽時一盃酒然則藏書名山傳詩都下爲文人大愚而醉鄉日月不可垂文章於不朽耶抑左思作三都賦陸機以覆醬瓿夫醬瓿之濁孰與酒甕之清耶劉蛻銘文冢祝其流爲桴鼓化爲塗泥夷爲都邑坎爲洿池則文之湮沒者多矣何如浮沉酒甕與此君並存天

壤間耶吾安知我輩惜爲不幸者青蓮不慶爲幸耶
賀之不暇豈受弔耶遂和二章爲青蓮解嘲并釋江
郎之恨也

吾讀太白詩百篇騎鯨一去不知年天上召作酒星臯
此身猶坐醉鄉顛我來訪君殘缸側只恐村醪吸盡無
顏色却笑風流麴秀才會向集中偷作賊

白也胡爲當鑪臥我擎盤落呼之前君身已營糟丘老
文冢纍纍築醴泉試問箇中興不淺可勝長安市上酒
樓邊張公喫酒李公醉我輩得此心欣然雖有五車三
百卷何如一斗十千錢太玄草就無人識若非青州從

事誰相憐

不雨謠

我欲老人舞泥龍南門貯水北門空龍言上帝封江海
黃頭無瓶洒青鬃我欲小兒呼蜥蜴蒼鷺何辜遭水厄
埋頭難作舞商羊碧翁不爲沉冤泣我欲擊鼓暴司巫
巫云天意乾封平河伯娶婦失其職小巫渴死大巫枯
我欲追風斬女娥女娥大笑聲咄咄南箕高臥東井空
帝命我來不可殺君不見七年之旱禱成湯四月不雨
僖公傷東海曾聞祭孝婦漢廷何日烹弘羊又不見段
公出游旱不苦五原人呼御史雨淮陰太守嘗隨車徐

州刺史誰行部我今痛哭流民圖飢者無食寒無襦採
得莧芘不堪飽猶聞夜半吏追呼追呼之吏催科急萬
口哀號天失色義和楊鞭行不歸雨師怒目雲中立鳴
呼江南之民罹天災赤地千里空黃埃牛蹄趵趵田确
确乾風飛起汚邪灰安得涕泣爲雨歎息成雷走電車
於北極倒海水而南迴桔槔高臥茅檐宿禾華低風生
田垓九月築場十月穫官糧私債無追賠日收稼實簞
亦足且免溝壑填枯骸我悲田家之苦不可說仰望雷
漢方昭回

廢苑行

滄桑觸目成今古
碧水池塘變禾黍
回橋紅板半欹傾
六曲欄杆無四五
當年小院閉春風
却與山僧開梵宇
美人歌笑彩雲飛
簫管聲殘咽鐘鼓
梳樓不見曉粧奩
湘簾挂斷珊瑚縷
游人拾得翠花鈿
猶向章臺憶睂嫵
雕梁燕子不歸來
空巢泥落栖鼯鼠
秋千架倒臥莓苔
裙腰芳草留遺舞
野禽啼笑自無端
庭花開落爲誰侶
惟聞石澗水淙淙
似話舊時兒女語
我來傷心喚奈何
爲弔空山少佳主
君不見臨春閣下
青廷銅雀臺化黃
土
平泉沁水在何處
千載興衰盡如許
邯鄲春夢幾時醒
且背詩囊看煙雨

太華行

掌文真人孫過庭降乩云元日同湘江諸侶游太華
山樂甚命予與花史作長歌記之

太華山高叢叢一掌畫斷插三峰蒲池澹澹泉珠碧嶺
頭葉剪青芙蓉乃有存仙室集靈宮人徑杳絕天房通
真人連蜷游其中真人之游闔闔下白雲驅車風整駕
行從北渚次中洲覽盡春江花月夜遙數齊州九點煙
青牛又向函關跨桂舟初汎洞庭波翠旌爰駐蓮花阿
沅澧公子多窈窕湘君鼓瑟夫人歌歌且舞挹瓊漿擗
麟脯投栢矢槌石鼓芷蘭香佩隨風飄紫雲一曲散紅

雨真人之游樂何許不減彭篴宴幔亭何殊婉妗謠西
土修羊公卜子先莫呼酒母醉休抱石牀眠玉版爲我
贈金液與君餐咫尺天井若飛渡百丈葛崖相追攀駕
鹿偶同衛卿戲采松遂共秦妃還鸞鶴一去留空山蒼
茫霧市迷人間嗟乎真人之游復何年吾欲從之登其
巔攜得驚人詩百篇邈然搔首問青天

弔五人墓詩贈顏大郎佩韋

顏爲游奕神降乩索贈走筆應之

吁嗟乎予讀史至熹宗末喟然太息而低徊天地閉山
川摧豺狼臥麒麟埋俊及厨顧一時災亦有吾鄉吏部

稱清才檻車東廠胡爲來督郵閉舍伏牀泣江南萬里
慘陰霾于時五人出奮臂一呼生風雷擊賊遂用司農
笏報仇如投浪沙椎常山之後舌猶在首以大義感同
儕雖死能令奸膽落宇宙生氣爲之開笑從周公游地
下人間黃鳥歌空哀至今神靈鳬鳬毅碧血光芒射蒿
萊名字當列忠臣傳不與古之游俠偕他年吾執太史
簡一筆以闡千秋懷匹夫杖節尚如此沐猴冠者真塵
埃亂臣賊子滿天下安得斯人挽波瀾爲我過武丘而
登其臺試問昔日冰山安在哉惟有五人之墓鬱崔嵬

康熙己未予備官史局因撰周順昌傳五人者附焉
他年之詩不負約矣剛詩至此自註

西堂剩橐

卷下

長洲尤 侗誤

五言近體十一首

晚眺

晚念生不一偶來看夕
曛煙中橫獨鶴木末起層雲
水抱秋風骨山含落日文
無端倚惆悵孤吹遠相聞

悲秋

蟋蟀何時默秋聲不斷流
登臨千里目搖落百年愁
雁渡雲橫渚鳥啼雨滿樓
曉風無意緒吹夢下西洲

苦旱

曠野不能綠蟲蟲火色天浮雲忽飛去落日竟悠然
菡依河岸蒺藜生墓田願將野老淚啼雨下山川

喜卿謀過

不解相逢喜翻然對楚囚飢荒滿天地樽酒且綢繆
今雨故人意晚晴野老愁攜君過橋去竹裏聽啼鳩

病夜無寐

風雨一時去戶庭聲寂然有愁陪落月無夢問遙天
欲袖青衫淚來參白骨禪此生無畔岸曉色起蒼煙

臥雨有懷

晦雨淡如淚孤窗斷續流鳥飛初問夜蟲語已思秋
有

夢愁泥路無緣到，
回樓獨吟團扇曲。
風起動簾鉤。

曉起聞梵

冥冥空無內，杳然感梵音。
一時太古靜，斗室萬山深。
是法皆能語，諸天忽到心。
我聞原自寂，園樹起鳴禽。

擬崔顥王家少婦詩

十五展睂時，風流事漸知。
羅衫藏細蝶，
畫卷映燕脂。
背婢偷歌曲，尋郎強賭碁。
近嫌午夢懶，不肯做新詩。

夜愁

不知何所恨，欲語反茫然。
喪氣如遷客，傷心近暮年。
一燈對歸夢，半夜學安禪。
風雨滿空至，愁飛竟上天。

西堂集
千畝潭汎舟時有小雨

我今作漁父寂莫到江濱舊雨遲新客遠山下近鄰村
傳折柳曲棹引采蓮人寄語問津者時來一避秦

雪

曉起高樓望蒼茫白帝家山川一筆收雲樹片衣遮天
上長無夜園中別有花紙窗爐火息寒氣逼清茶

七言近體四十七首

和卿謀坐愁寄憶之作

泣寒側落晚天風倚徙空庭數斷鴻莫去憂時望塞北
且宜避世住牆東灌園獨對支離叟作賦相逢亡是公

醉醒不知何處好閒來澤畔問漁翁

貧病詩和葉天寥先生韻

十首

雖也無時始是貧予然惟有病中身病魔欺負貧居士
貧鬼消磨病道人貧裏何知錢子母病餘粗識藥君臣
三秋相對貧如故無奈朝來病又新

風雨吹貧滿院飛寒花帶病倚柴扉靜修病悟忘朝暮
閒掩貧門謝是非貧久乃爲黠鬼笑病多常與故人違
布衾三尺能留病無計遮貧補破幃

今年貧比去年重纔逐貧歸病又逢海上不生却病草
階前時開送貧蛩當鑪卓袖裝貧樣對鏡潘絲惜病容

幸是病中常辟穀食貧木末採芙蓉

銚冷疎煙貧負予離羣日與病同居病無方士延年術
貧有田家種樹書枯槁貧餐亦苦齋零丁病立不材樗
文園高臥相如病四壁支貧賦子虛

貧居反借病爲家貧病依人輾轉加碧案攤書貧世界
青衣丸藥病生涯佳人問病詩頻寄鄰老欺貧酒不賒
貧入黃昏更蕭瑟病回殘夢落燈花

參差病沈帶圍消歲晏悲貧不自聊堂有鳴琴貧免俗
室如懸磬病偏饒病中日月相看晚貧裏詩文自欲燒
貧擁牛衣莫下淚小窗扶病話良宵

病倚疎簾怯小涼護貧簷鐵喚丁當貧窮生受書倉富
病暇新添藥課忙縷裂病帷穿斷月蕭條貧屋漏斜陽
忘貧除是尋春夢病後離魂恐渺茫

一病相驚太瘦生貧軀恰受敝袍輕赤貧豈必人皆有
素病何妨我獨清風雨蕭蕭修病苑雲山鬱鬱築貧城
蓬蒿寂莫無生活貧病緣中註姓名

一雙鷄肋病相侵抱影貧廬度歲陰貧戀酒樽惟怨淺
病看階草不知深膏肓病向煙霞結珠翠貧從蘭蕙尋
裙布釵荆貧自足相憐同病淚難禁

粗茶淡飯任貧休病骨淒然歷九秋小鳥數聲增病惡

孤雲一片助貧愁，乾貧易向西風老。
鬼病難消子夜悠，何日閉門推病去。
洗貧拍浪酒池浮。

又和一首

擬再和十首遇病而止

西風落葉滿天貧，波及淒涼到病身。
貧是病非豈兩事，病先貧後恰三人。
貧延子墨爲佳客，病拜岐黃作外臣。
貧病十年成舊話，何堪今日又更新。

咏雪

霓裳羽衣舞不歇，驢背鶴氅興正同。
綠樹排成素足女，青山變作白頭翁。
美人夜臥玉鏡殿，高士朝坐水晶宮。
何用冷吟冰柱句，且沽美酒澆春紅。

閱美人圖悵然有傷秋意和卿謀韻

一池碧水褪紅渠花影低攀竹葉車淚洒湘紋風片濕
夢回玉簫月華虛鳳凰樓上題梧晚蟋蟀堂中織錦餘
此際相思人不見悲秋愁緒略如予

秋懷

六首

獨倚西樓第一欄秋風吹綻葛衣寒青山幾點葉初落
白雁數聲星欲殘燈火草蟲人歎息池塘夜雨夢闌珊
眼前何限難平事看了吳鉤不敢彈

借君丈六鐵琵琶彈出青衫客淚斜今雨不來錦字斷
曉雲易散鈿車遲九秋公事一爐藥五柳先生三徑花

我欲寄愁天上去醉鄉深處卜爲家

人在蘆花夕照中相思無字寄梧桐不如歸去烏頭白
何處飛來雁淚紅霜滿空山野戍笛月明千里寺樓鐘
輕覓夜逐西風去夢到吳江看落楓

美人遠在白雲鄉欲往從之隴阪長秋水澄澄花瑟瑟
星河耿耿夜蒼蒼江流東去橫孤鶴山氣西來照半塘
正是月明人臥病捲簾尚怯素羅裳

一片青山下晚汀蕭蕭蒲柳望秋零十三樓上人吹笛
五丈原前夜落星漁棹繞殘深淺渡雁行排過短長亭
閒來行藥無餘事剛得茶經又酒經

秋風影裏挂詩瓢珍重添衣護沈腰萬里不傳題葉信
一靈自向落花招美人空怨青鸞扇帝子何勞烏鵲橋
我夢碧峰三十六月明夜夜聽吹簫

臥病

蒹葭蒼蒼露爲霜病客同於草木黃三尺被遮旁死鬼
一囊藥作返生香避風臺築趙飛燕辟穀人爲張子房
忽報晚庭花發好無端起策小藜牀

野望

密雲不雨自西郊我步東臯歌且謠小鳥未聞泥滑滑
野蔬空採板橋喬大都杞國皆憂墜雖有宋人難堰苗

望望不如歸去好半窗紅日到芭蕉

美人圖

芳草斜陽護小姬抱情惟許暮煙知一痕粉靨花含笑
雨點青螺鳥画眉金井梧桐催贈字繡籠鸚鵡喚彈棋
月明深院無些事偷把蕭郎玉笛吹

雨夜懷鄉謀

滿天細雨自言愁意氣哀涼近暮秋鬼語一林夜深淺
雁飛千里字沉浮已聞窗外啼黃葉况對燈前歎白頭
我似寒蛩吟正苦西風送到讀書樓

獨夜

蕭然悲秋秋夜長風雨疾飛天氣荒寒蟲抱火叫空壁
飢鼠銜書走破牆角枕半邊不知煖蕙爐一縷自在香
昔人相思烏頭白今我獨寐霜葉黃

遠望用前韻

遠望江南愁路長青山一片白雲荒烏棲古樹爭殘葉
雨趁西風下短牆秋水晚芙蓉時見影野田離黍不聞香
前溪漁叟持竿立遙指城頭落日黃

壬午元旦見雪

曉夢驚殘改歲華春風寂寂舊生涯先題東壁數行字
再看西窗一樹花辟惡宜傾柏葉酒送窮欲結柳枝車

青衣笑報朝來喜飛絮輕飄到謝家

憶西湖 二首

我憶西湖煙柳斜錦隄迎送麗姬車三生石上人吹笛
一片雲頭天剪紗露冷梅泉尋葛嶺月明燕冢夢蘇家
年年春色辜油幙坐看東風掃落花

湖岸欄杆曲曲斜金鞭未許試輕車晚山睂黛青于画
新草裙腰碧似紗東浦橋通姹女市北高峰築老僧家
此身不及飛來石乘興西陵聽賣花

旅懷

江南南陌又清明江上春風旅客情小閣燕歸人獨語

大隄花發夢相迎
寂寥柑酒過三月
惆悵鄰鷄報五更
聞說曉來鄉信到
望江亭下早潮平

由君山入黃山

君山行盡是黃山
山脊中分大石灣
帆影忽來千樹裏
江聲若出萬峰間
水雲自起羈愁合
野鳥高飛客思閒
臨去尚勞回首望
美人日暮綰湘鬟

月下聞歌

江城三月月初明
初有客傷心
夜閣虛夢裏
杜鵑空說去
人家燕子不傳書
玉簫遠度梅花引
金鈿相逢竹葉車
懸念小樓人寂莫
一痕紅淚濕香裾

三五夜宿雁橋

雁橋不見雁書飛，獨有孤帆下落暉。
今夜月明楊柳渡，誰家吹笛釣魚磯。
煙中北渚茅籬隔，樹裏西莊燈火微。
如此風光殊不惡，一壺濁酒便忘歸。

北渚西莊皆村名

生日偶成用星字韻

二首

一盃茗汁祀三星，半炷梅檀祝九齡。
借得榆錢來獻佛，教成鶯語去看經。
浮生了不如人意，大塊徒然勞我形。
歲月幾何駒過隙，山川是處雨霖鈴。

天上疑生措大星，空囊秃筆寫窮銘。
十年不遇應頭白，四海無交誰眼青。
我夢此身曾化蝶，君看大地等浮萍。

何當謝却人間世一枕秋風鐵笛亭

戲咏竹夫人

綠衣黃裏衛莊姜解傍溫柔入睡鄉與我周旋寧作我
爲郎憔悴却羞郎

二句用蘇子瞻王平甫屬對話

相依長信齊紈扇曾

試昭儀荳蔻湯却笑一身都是節不辭夜夜侍匡牀

春夜過卿謀觀演牡丹亭

私幸春風第一行女郎新唱竹枝聲翠簾衣煖飄香霧
紅燭花低試玉箏永夜画眉粧半面殢人困酒到三更
十年惆悵今猶在小院歸來起夢情

聞寇警

自古從無賊白頭中原何意有哀丘不堪灞上軍如戲
盡說長江鞭可投謀國子房誰借箸傷時王粲獨登樓
吾儕藿食成何用願得君王丈六矛

聞寇去用前韻

喜看楚尾接吳頭千里烽煙保樂丘破賊小兒方屢折
勤王大將盡壺投風聲無恙南陵口江色依然北固樓
猶有餘氛未剪滅諸公莫遂棄戈矛

懷陸氏素園

北窗獨枕一絃琴夢到西園晝影清石徑翠苔宜飼鶴
河橋楊柳尚留鶯風來解帶迎秋氣月落彈棋聽夜聲

若使碧筒能醉客何辭襍穢謝程生

坐月

夜氣雜然入空閣碧天浩淡月孤存一枝驚栖鳥不定
四野靜對客無言美人歌曲聞南陌公子飛蓋游西園
我獨長吟風露下舉頭仰見參橫昏

暮春

落花如雨點空庭香霧朦朧弄曉暝芳草贈人羅帶碧
遠山餐我黛眉青郊原車馬歸油幙硯墨鴛鴦付錦屏
消遣獨留春夢好隔簾鶯語又零星

戲咏庭中薔薇

艷質應教侍粉郎。嫣然顰齒爲誰狂。文君臉際胭脂滑。
合德肌中豉蔻香。紅玉唾壺雨貯淚。綠羅衫子月催粧。
何當小立花陰下。一晌牽衣捉雅娘。

清明日家園賞春

春林日煖靜無譁。邀得東風作一家。隄上村姑插楊柳。
溪邊野鳥喫桃花。踏莎馬去青依路。鬪草人歸紅滿紗。
却與我心都不涉。乞來新火自煎茶。

無題

曉鶯恰恰語深烟。簾外花飛靜可憐。不見春風歸戶戶。
但留芳草過年年。碧山萬里思青鳥。紅葉三生惜翠鈿。

攜得閒情無處贈夢雲夢雨自參禪

新夏同卿謀游虎丘用前韻

人影參差入暮烟一林綠樹坐相憐空山雲起卽千里
靜夜月明如小年短簿祠前聞玉磬真娘墓上望金鈿
閒愁滿目無人識試向生公參老禪

甲申生日感懷再用星字韻

不合人間有此身手持天問問三星九州公案蕪城賦
半世生涯文冢銘北去狼烽驚上谷南來鶴唳到新亭
迎神自引壺中酒獨枕離騷不敢醒

七言排律一首

咏佳人用光威哀韻

佳人自小顏如玉，織錦芳年正十三。
扇底雪兒歌白紵，盤中燕子舞紅衫。
睂描倒暈青蛾簇，手綰連環黃雀銜。
繡譜鴛鴦常學母，筆牀翡翠願隨男。
偷窺宋玉渾忘怯，許嫁王昌半解慚。
臺上避風身窈窕，庭前拜月口呢喃。
故憐墮馬梳龍髻，巧借垂腰拾鳳簪。
微醉海棠睡未足，嬌開荳蔻笑初含。
春山秋水神相似，暮雨朝雲意自諧。
小小風流江上住，真真倩影画中參。
曉粧斜點梅花瘦，細語平分蘭草甘。
誰道北方稱獨立，苧羅自昔艷江南。

五言絕句七首

效梅聖俞五側體

有序

晏元獻謂梅聖俞曰古人章句中全用平聲製字穩貼枯桑知天風是也恨未見隻字詩聖俞遂作五側體云月出斷岸口影照別舸背且獨與婦飲頗勝俗客對予偶與卿謀語及之卽景口占平隻各一首

湘簾迎春風花光明于紗幽人愁無言焚香吟南華
細雨洒曲徑濕翠上野草獨倚短竹下落葉打睡鳥

又和梅韻

四首

露氣洗柳眼月影壓鳥背有酒薄不飲仰與北斗對
古樹四壁立聳出斷嶺背萬籟寂不發獨有靜者對

面閣晝半掩弄墨潑紙背燕子爾汝語不與小婦對
夜永玉漏冷半睡泣枕背莫怨素影隻入夢自有對

春日疊韻

東風同紅叢竹屋綠麴熱鶯鳴傾清罌獨宿復讀曲

七言絕句九十六首

贈別

陌頭日暮柳絲飛又向春風牽別衣倘念吹簫人寂寞
粧臺可遣夢先歸

寓馬湘蘭舊院

青溪橋畔小香齋彷彿吳宮舊館娃却怪主人深避客

夜臺寂寂閉金釵

卿謀齋頭醉歸遇雨和寄憶之作

濕盡青衫折角巾
許渾千首現前身
跌來幸是石學士
流去幾爲木偶人

迴文詩

四首

罵雨春鳩雙喚哥
朱欄六曲倚愁多
嫁郎將甚消閒日
画閣粧成描翠蛾
懊儂歌遍繞圍屏
深院落花春夢醒
草綠侵階閒譜繡
小眉青怯小梅青

釵玉低垂雙髻鴉
繡衾半壓枕痕花
佳人那答相思夢

來去行雲晚到家

鶯啼曉夢小樓西
綠樹榆錢丟滿隄
輕帶香吹風細細
杏衫紅過浣花溪

擬艷集句

荷葉羅裙一色裁
殘粧色淺髻鬟開
兒家門戶重重閉
郎若來時近夜來

戲集返生香句弔葉小鸞

十首

去住瑤池白玉臺
幾回蜂蝶自空迴
疎香獨對枝梢月
不見飛瓊步月來

鸞字瓊章居疎香閣

夜深人靜小窗空
曲榭鶯啼翠影重
粉蝶眠春隨夢去

爲憐花謝罵東風

綠階芳草伴愁生
惱亂琴心病茂陵
獨倚小樓人不見
斷腸何必問吹笙

疑是凌波洛浦游
不知香艷向誰收
海棠睡去梨花褪
只有多情宋玉愁

蕭蕭楓葉落吳江
帳冷西窗一夜香
何似美人腸斷處
玉簫聲遠立空廊

驚吳江人

定應握手幾時同
月白風清愁萬重
人向暮烟深處憶
疎香滿院閉簾櫳

輕羅香潤步青春
仙質亭亭分外新
只恐飛歸廣寒去

何辭終日喚眞眞

鏤雪裝成幼婦詞
鏡臺初拂曉粧遲
東風吹夢知何處
蝴蝶雙飛那得知

斷腸芳草遍天涯
蕭瑟西風道里賒
枕上夢魂輕似葉
何時驂鶴到仙家

紅深碧淺最芳年
愁黛應憐玉鏡前
準備夜深新夢好
草堂相對共談玄

贈瑤宮花史和降乩韻

芙蓉城主金釵客
雲中垂手風中立
散花來到折花歸
一枝擎雨衣香濕

讀葉小蘩詩題贈

四首

坐上飛瓊去渺茫
十洲難覓返魂香
誰知小玉閒無事
又到人間伴阮郎

一寸珊瑚一串珠
紫雲佳句彩鸞書
仙才只合瑤天住
何意粧樓唱步虛

柳絮何須說謝家
吳江一葉艷于花
只愁化作彩雲去
密取詩囊繫絳紗

萼綠傳書青鳥封
烏絲欄印口脂紅
浣花手灌薔薇露
特辦名香盡日供

光福殘梅和韻

二首

世外佳人嬌欲娠南枝半老北枝新山中風雨全無意
竟掃殘花作晚春

一湖春水褪花光公主朝來半面粧戲買山頭徑寸土
自收斷蔓去埋香

花路霏微烟雨冥落英襯就曉山屏從今渡口閒歌扇
一道裙腰草獨青

哭湯卿謀

九十首今刪存六十首

一聲落葉滿長洲地下人間遙共愁此日江南無宋玉
西風萬里爲誰秋

七月初五日立秋

一月杳如一歲長君亡我病兩茫茫相思誤驚經旬別

欲寫秋書到草堂

初六日憶亡友忌辰

生別何如死別愁，天河瀉作淚痕流。當年乞巧人安在，

猶有雙鳬上綵樓。

初七日憶亡嫂忌辰

生別經年死一宵，夜臺依舊伴吹簫。從今築就鴛鴦塚，
不羨天邊烏鵲橋。

同病無人病益愁，西風何處遍詩郵。鮑家墳上吟鳬在，

獨對青楓唱曉秋。

庚辰秋予與卿謀同病有賓病秋箋倡和今秋予病而卿謀亡矣

漫言無病不成秋，君病誰歸僕病留。夜雨半牀詩訊少，

藥烟影裏泣西州。

癸未秋予東卿謀云有詩卽過日無病不成秋卿謀答云有詩應羨子無

病益愁予冷淡知秋意吟來定不如蓋予病而卿謀無病故孰知今日不惟無病不可得卽長病亦不可得悲

夫

此日能招何處竟

卿謀午日絕筆落句

哀蛩四壁弔王孫夢來髣

髴君顏色驚起空梁月一痕

十三日世傳是夕竟歸來也

董狐點鬼鬼門關萬里孤竟游戲還欲問仙才無覓處

姓名已註玉臺班

中元日地官較籍

欲賦天邊第幾樓問奇應侍上真游人問書穴都搜遍

此夜青藜重照劉

客冬予召孫真入過庭自云掌天上筆札卿謀賦詩贈之

曾折梅花贈美人美人飛作落花雲遲君定醉羅浮夢

鸚鵡簾前覓綠裙

卿謀賦梅花吟贈花史有何當封拜羅浮君月落參橫醉花史之句花史

捲簾侍女爲卿謀屬意故云

華亭鶴唳不堪聞惆悵初逢李少君又拆一行飛雁去

招覓空叫楚天雲

壬午陸靈長歿予懇孫真人招覓來歸卿謀亡而真人去矣

王楊盧駱舊文壇半臥牀頭半蓋棺地角天涯生死隔

青衫有淚各偷彈

予與二陸卿謀結四子社二子歿而予與處實皆病甚

淚酒水天幾日乾人琴一慟更摧肝却將離黍西京曲

譜入廣陵散裏彈

予自五月中草文祭先帝至此始罷筆作哭亡友文

國喪家難一時并

予于五月二十七日遭先王父之變

况失良朋痛幾經

三副淚痕流不盡西風助哭雨霖鈴

卿謀云人生不可不儲三副痛淚

情生文語是耶誣情到難堪文轉無非爲病魔收拾去

淚痕深處墨花枯

予作哭文未成而病因復開筆

懺罪云何只懺愁西方何處更悲秋生前綺語還宜戒
文冢詩瓢一筆勾

二十三日同社諸子爲亡友禮懺

素車白馬赴山陽蕭索閒庭足斷腸一滴酒漿千點淚
哭聲遙雜梵聲長

二十六日予隨諸子奠哭靈前是日佛事回向

荒荒齋客竟何如野草沿階破屋虛從此此齋荒萬古
西州門外哭迴車

卿謀書室名荒荒齋自作記云自此而後更復數年此齋與齋中人不知

何如嗚呼今何如哉

一別房櫳無見期空牀倒挂舊羅帷九原竟鬼猶無恙
可憶南樓風月時

是日登南樓其故房也卿謀詩云忽憶南樓上可談風月時

鐵馬悲嘶銅雀臺玉簫聲去暮鐘催

道場卽設樓中

遠山依舊

憐眉嫵京兆風流不再來

卿謀語予樓中可望亭隆一帶山色

西窗剪燭幾春宵
畫卷薰爐頓寂寥
有日珮環歸夜月

重聞閨語度花梢

卿謀夜語詩云我正微吟風露下又聞閨語度花梢

遂使吳山作峴山
山靈墮淚水潺湲
行人莫上磨盤嶺

秋草離離恨血斑

二十七日登吳山感念七子舊游磨盤山當日飲酒處

不教奇字葬劉墳
風雨山河護大文
簡盡錦囊人不見

一靈啼嘯夜深聞

初閱遺集

不辭和淚寫新詩
墨點千絲淚萬絲
非爲哭君還自哭

他年月旦更憑誰

衣帶相逢未十年
管花猶印衍波箋
高山曲在人何在

一夜西風斬七絃

閱卿謀初贈予詩曾書扇頭

生友相憐寄慰真一持慰語一傷神九原有客知誰慰

秋雨空山鬼淚新

毛子德音寄詩慰予

揖青亭上望平疇曾背奚囊一網收今日招蒐蒐可至

月明同醉蓼花洲

予始病起登揖青亭壬午秋卿謀寄懷予詩云昨夢亦園秋色好揖亭上

望平疇

避秦何處問桃源滿眼兵戈各淚痕今後佳城一片地

應無風鶴驚幽篴

自四月聞京師之變傳言流寇長驅卿謀移住村莊遂成長別

忠愛平生似少陵一朝杜宇泣冬青騎箕還喜歸行在

閭闔門前謁帝靈

卿謀哭臨三日憂勞成疾

西河哭子少年時

卿謀有哭蓮兒文

今日西河老更悲

雲淵血先生

淚幾行泉下滴修文應磨蓼莪詩

人喜中郎幸有兒有兒孤苦益增悲哀哀父母歸何處
空向靈牀問起居

父書雖在父容無母去何人更作襦願寄尺書遺地下
孤兒一曲泣呱呱

漢樂府有孤兒行

嬌女詩中憶太冲燕雛私泣西簾空他年若咏因風絮
白雪長添淚雨紅

卿謀有女七歲以啼哭幾失明

鏡中一嘯殉青鸞留下啼痕染竹斑此去長眠並枕樹
不須重上望夫山

七日崩城尚較遲七年宛頸豈爲奇南山烏鵲雙飛去
却笑西風黃鵠悲

孔雀屏前婉變深笙囊一誓百年心茂陵空有文君諫
殉葬惟聞綠綺琴

依然風景到中秋何事傷心說虎丘

二語爲辛巳秋卿諫問虎丘消息詩

我託山靈謝明月滿天飛雨下孤舟

美人已去碧山空游屐淒涼歎路窮惟有絕交書一首

煩君石上寄生公

時有招予游虎丘者書此謝之

春風雨度白公隄空想紗籠壁上題

今春予與卿諫兩至虎丘聯詩題壁

他日再來惟一哭直教古鶴盡哀啼

歌樽舞袖盡誰收贏得牛衣淚兩眸不及夜臺人自在

西風消受一輪秋

三五夜

烏紗白苧望珊瑚鶴去遼東影不還惟有寒山與秋水
面君顏色在人間

今春卿謀曾寫小影今亦亡矣

秋風吹落少微星白露淋淋寫誌銘他日墓碑應沒字

東山名德簡難青

予與卿謀語及謝敷事卿謀戲云脫
一旦月犯少微君卽不作自祭文須

以諛墓累我詳載筆話謝安墓碑無文故云

留下西溪爲若留六橋花落四山秋吟竟若化飛來石

放鶴亭前夜汎舟

卿謀與予有西湖之約

薊綬同挂古靈巖百步階前倚碧杉留得猊牀花一束

西施收拾舊粧函

壬午秋予與卿謀登靈巖曾折花供佛

應使黃花變杜鵑東籬人去景蕭然空言菊酒能延壽

試滴千盃到九泉

初見菊花

空思剪紙叩靈衣聞說鴻都術已稀泉下子規啼不到

茫茫竟鬼幾時歸

時覓方士招覓

頭玉嶢嶢蘭茁芽練裙何忍見西華可憐未解悲風樹

嘻笑依然學大家

十三日子過子定抱阿雄出見不勝淒然下羊舌之淚

百日光陰轉眼間斯人一去幾時還秋風自是無情物

又送斜陽下晚山

十五日亡友棄世已百日矣

扁舟偶放百花潭一曲春風記酒酣欲採芙蓉何處贈

雁飛今不到江南

是日汎千畝潭看芙蓉憶去歲別謀寄札語

碧天如夢露無聲
北斗闌干河漢明
記得舊游清夜月
海棠花下聽吹笙

賦草淒涼壁立年
鸕鶿典酒亦欣然
九原荆布還相慰
不用清明化紙錢

去年今日弄珠時
人自玉山頭上歸

是日卿謀玉峰試歸

借問試

兒何處去
鬢髮白帽拜靈幃

廿二日阿雄期歲

吾國顏回竟短年
惟留道氣古今傳
他時若作儒林傳

大雅風流第一賢

爾我相看靜不言
爐煙一縷尚爲煩
斯人宜著山巖裏

玉塵蒲團課上元

捲起詩籤感歎長文章原不論彭殤世人誰識蘭亭帖
玉匣惟堪殉白楊

遺集閱竣

我今顧影已無儔如此人間不願留若許九原尋舊友
何妨蝴蝶化莊周

山山雲霧慘陰霾萬籟啼號白帝回爲問西風何處去
重泉一訪故人來

初五日秋盡是日陰晦

嘗言一日似三秋况歷三秋死別愁君去正如秋去杳
飄花斷雨影難求

猿叫三聲已斷腸何心更理舊宮商從今投筆秋風裏

獨上西臺哭一場

我歌薤露爾毋哀
焚向靈牀飛作灰
只當平時相贈答
黃泉還寄和詩來

再哭湯卿謀

十首
有引

予自九十首後琴歌已斷
酒賦無續矣
暮春三月雜
花萬家如武園中
揖青亭上江城
久客虎阜孤游
追風月於平生
感山河而泣涕
偶成十絕
遂足百篇
自知啼笑無端
益覺語言少味矣

青草茫茫曉夢中
大隄何處不春風
故園開遍花千樹
惟有桃花淚點紅

一簾細雨夜窗西此日相思有舊題
天外雁聲嘹唳去竹林祇聽鷓鴣啼

隔院鶯簧弄曉檐踏青車馬晚來添
可憐春夢南樓客過盡東風不捲簾

江南禊事管絃繁芍藥無情蔦草冤
欲挽東流尋曲水游絲何處釣芳筵

暮雨瀟瀟寒食天棠梨滿地哭荒烟
東風似惜王孫去吹亂楊花當紙錢

三年重客到黃山謝眺驚人在此間
借得江湖千里慟

一江春水半江殷三月十八日登黃山憶壬午舊游同卿謀有作

鼎湖龍去恨如何獨倚江樓涕泗多還憶青華香案吏
春風重唱故宮歌十九日登君山哭先帝遂哭卿謀時有降乩者云先帝本青華帝君湯子侍書金童也

不見溪山已一年白雲千頃尚依然相邀莫過生公石
恐話三生感舊緣始至虎丘

爲問春風胡不歸落花依舊故人非孤亭獨上杳如夢
空見滿園蝴蝶飛四月朔亦闌晚眺憶去年今日卿謀過此餞春小飲

燕子來時落棟花少年楊柳怨天涯春風舊客無消息
回首池塘又暮蛙春盡